

إيه هو زواج الأطفال؟



يونيسف



حسب تعريف يونيسف والأمم المتحدة، زواج الأطفال هو أي زواج سيكون أحد الطرفين فيه أقل من 18 سنة، وده يعتبر انتهاك لحق الطفل أو الطفلة في إنهم يعيشوا سنهم وميتحملوش مسئوليات الكبار اللي هم مش مستعدين لها.



12 مليون بنت كل سنة يكونوا ضحية لزواج الأطفال في العالم.

بنت مكملتش 18 سنة ممكن تلاقي نفسها مجبرة تسيب تعليمها ومستقبلها وتشيل مسئولية إنها تبقى زوجة وأم

السن القانوني لتسجيل عقد الزواج ١٨ سنة



يونيسف



السن القانوني لتسجيل عقد الجواز في مصر 18 سنة، لكن
لسة في آلاف البنات بيتجوزوا تحت السن القانوني من غير
تسجيل لعقود جوازهم ولا شهادات ميلاد لأولادهم

البت بتخسر إيه لما بتتجوز وهي طفلة؟



يونيسف



صحتها.. نفسيتها.. تعليمها.. مستقبلها.. حقوقها المادية
والقانونية هي وأولادها والاعتراف بيهم..



زواج الأطفال لسة ظاهرة شائعة في مناطق كثير في مصر..
بنات الريف اللي بيتجوزوا أصغر من 18 سنة أكثر 3 مرات
من بنات الحضر

قصص لزواج الأطفال



"أنا أصلاً اتجوزت وأنا 12 سنة.. مكملتش تعليمي.. جوزي عرف طرق الحشيش وكان بيضربني.. ولما لجئت لأهلي قالولي ارجعي بيت جوزك لما مقدروش على مصاريفي أنا وابني.... بس أنا اخترت مرجعش بيت جوزي وإني زي ما طلعتوني من المدرسة بدري أرجعلها بدري ... قررت أكمل تعليمي ويمساعدة أهل الخير لقيت مكان ليا في فصل محو الأمية."

تعرفوا إن تلتين البنات اللي اتجوزوا وهم أطفال سابوا الدراسة؟



"لما أبويا قاللي إنه هيجوزني وأنا عيّلة صغيرة لراجل عنده
50 سنة أنا مزعلتش.. بالعكس فرحت.. أخيرًا هخلص من
الحياة الصعبة اللي كنت عايشة فيها في بيت أبويا من فقر
وضرب وإهانة بسبب الحشيش وهيبقى ليا بيتي وحياتي.."

بس لما اتجوزت اكتشفت الحقيقة المرة.. جوزي كان عايز
واحدة يشغلها في البيوت ويكسب من وراها ويقعد هو من غير
شغل.. وأنا اكمني معيش شهادة مكانش قدامي غير إني
أرضى بنصيبي..

العلام بيديك حاجات أكثر من الشهادة والصيطة وسط الناس..
بيديك اختيار."



"لما بقى عندي 13 سنة، بدأت ألمح في عنيتها الخوف لما بدأ الخطاب يدقوا بابنا.. بالذات لما أبويا كان عاجبه واحد فيهم وقالها إن كل البنات بيتجوزوا في السن ده..

بس هي كانت ذكية.. وعرفت تقنع أبويا إني متجوزش وأنا عندي 13 سنة زي بنات البلد وأكمل تعليمي علشان أشتغل وأساعدهم يخلصوا من الفقر.."

بنات كثير أهلهم يجبروهم على الجواز وهما أطفال علشان يقللوا الأعباء المادية على الأسرة.